

Розал ччаву



Гъинтнил яла кӀиримур июль барз бия. Розал, экзаменну дуллуну ххуйну, педучилище къртал бувуна. ЛирчӀун дия училищелуву чӀири-хъун даву: диплом ласун, общежитиелушал, училищелушал расчет дан, учетрая лиххан ва цаймигу.

Душнил дакӀниву ххаришиву къуннасса дия,

амма дардгу чӀрисса дакъая. Мукъва-ххюва гъантта хъуна Эдик хъунаакъин къаукӀлай. ДакӀнивун чӀирихъунсса ташмишъшиву духайвача, ялагу Роза цила оърмулуну хъхъичӀра-хъхъичӀ ччаврил кӀирисса, лахъ бакъа лагъ къашайсса, асарданул хъяврин байва – «Юх, Эдик лавмартну къауккайссар... Га мукунсса акъар.»

Душнил яруннил хъхъичӀ дацӀайва хъхъичӀва-хъхъичӀ хар-хавар бакъа Эдиклушал хъуна бавкъусса хъхъу...

... Ванияр шанма зурул хъхъичӀ Роза ва ганил дус ссургъири душ Аминат хъхъувай чӀалну, кинораха зана хъуну най бия. Хъинну нажагъ, ца-ца чӀумал бакъа, я Аминат, ягу Роза, нигъа буслай, цӀан ларкъун махъ шагърулувун къабуккайва. «Нигъа бусай ттуккул барцӀ бугъайссар!» - тӀисса халкъуннал учала тӀайлассар. Цакуну цала ошежитиялчӀан биявайсса кӀанттай, цӀан дусса кӀечӀираву, кӀия хулиган хъхъичӀун бувккуну, душру бацӀан бувуна. КӀечӀираву гай бакъа цучӀав ххишала акъая. Ца увччу хъуну, ччаннай ацӀан хъанай акъая, цагу мадара кайпну ия.

- Лихъанну, Аминат! – куну, Роза, махъунмай кӀура баяйхту, га цаннал ччан бахчин бувну, ца шавагу ласунсса мажал къавхъуну, зях бивщуну лавгуна.

-Ххассал бара! Ххассал бара! - леххаву цайва цуппа ливчуна хханххиравату. Аминатгу вев-шев тИий бия увччу хьуманал ххяпурттаву.

Ца легковая машина, бацІанмагу къабувну, чІарах ссур хьуна. Ганилва хьирив цамургу машина ливчуна. Душваралгу леххаву тІисса аьлажугъа хьунма хьуна. Машина, яргсса чани буруган бувны, тІайланма гайнначІан гъан хъанай бия. Нигъа бувсуну хулигантурал къинтта ккаккан дуруна. Шофер машиналува увккуна, ссибивзуну, бучІибакъултрайн ссугру дуллай, гайннал хьирив заккантту ккаккан буллайгу ивкІун, душваращІан гъан хьуну, гайннин кумаг бувна щяту бизан. Яла машиналуву щябивтуна.

- Лакку душру бурув? – жагъилсса, тяхъасса, тІиртІусса шофернал лажин сивсуну душварах дурургуна. - Зу чун буциву? ОбщежитиялщІан? Туйн Эдик учайссар.

Розангу буниялттууй дакІ даркъуна жагъилсса шофернай.

Тания мукъах Розал Эдиклушал хуна къабавкъусса хъхьу лях гъан къаритайва. Къулайшивугу загълунсса дия. Эдик, таксилул шофер уну, ччимур чІумал общежитиялщІан цала машиналий увкІуну, Роза бувцуну лагайва.

Амма утти вай махъсса гъантрай, Эдик къаукІлай, Роза къазранну бия, бацІан бюхълай бакъая.

Шамийла лавгуна га Эдиклул адресрай: Пролетарская улицаийсса щюллисса сирул аьгъу бувусса гьартасса муххал къапурдащІан. Нузру аьнт дурну, гивах цучІав къалявкъуна. Гьарзадрава дакІ дурккуна. Цинма цийва цІими хъанай бия. Яру мукъал буцІлай бия. Гъав лавгсса, гъанавиххи хьусса нярал га яла къюлтІмур кІанттай дахъва сукку тІисса умудгу бия: «Хъяврин банхрав на ва Эдиклул?» - тІисса.

Мукъилчингу лавгуна Роза гайва къатращІан. Пролетарская улица асфальтту бакъасса, ца ягу кІира мартавалийсса

заллухъруннал къатри бусса, къатрачІах жагъилсса мурхъру
бувгъусса, паракъатсса, шагърулул зуманицІсса кІечІира бия.
Даврия халкъ къуртал хъусса чІун дунува, кІечІираву так-тук инсан
акъа чІяву халкъ бакъая. Архниятура Розан пагъ хъуна
дарвазалийсса чІири нуз тІиртІуну дусса. «Щукру!». Ганил ша дири
бувуна. Душнин начгу хъанай дия. ХъулучІан гъан хъанайссаксса
цила лажин, кІири хъанай, ятІул дичлайшиву кІул хъанай бия.
Амма нач хъанайнугу га хІаллих хІаятравун бувхуна, цила дакІ
цуппа дуллай: «Цими чІатІий бакъарахха на. Циванни нач хъун?».
Асфальт бавкъуну, дюрчІусса, хІаятраву инсан акъая. Роза, цучІав
уккайрив ккаккан, чансса аглангу хъуну, хІаятравун буругсса
чІавахълттал хъхъичІух, шаттирал чІу къахъунну, нузачІан
бавчуна. Нузан кІанттай хулувух хъуннар хъанан диркІсса шарсса,
я ляп чин къабувну, хъинну мюршну дуруглай дарцІуна. Розан,
Эдиклул буслай, кІула га тетя Саида душиву. «Оьсса шарсса дур.
Эдикма, хъинссар тІий, цІарду дуллан икІайва». – пикри хъуна
душнин. Ганихъ ссихъ дуккангу сикъавсуна.

- Агарда ина ЭдиклучІан най бухъурчан, душ, - увкуна тетя
Саидал къянкъасса чІуний, - га шику ялапар хъанай акъассар.

Роза лажиндарава баххана хъусса пагъ хуну, къарил ххи бувна:
- Уссия. Тти акъассар. В Россию уехал.

Къари ялагу цирив цавай задру буслай дия, Розал
бакІравунъяв цичІав бухлай бакъая. АьтІаву оьнкъарахун,
лажиндаравун шарчун, мурччал энчІ дуруна. Иттату макъ най дия.
Вав-шав тІий тетя Саидал ччаннавун бакъагъан, Роза анаварну
кІура бавну, общежитиелин кІура хъуна.

Баргль лавгун мукъахгу шагърулуву бугъ бия, ссихІ бигъин
къашайсса. ЧІявуми студенттал тинмай-шинмай лавгун сайки
бачІвасса общежитиелуву кІусса, гъелисса гъава бия. Розал
чурххайсса лаххия гъухъа битаврил хъхъицІай хъуну дия.

Цила къатлувун бувххуну, нуз лакъайхту, ганища аьтІаву
дайгъин къархъуну, агъи тІий, цила кроватьрайн бавгъуна.

Гъалаксса, аьратталсса асарду, пикрирду бия душнил дакІниву.

Жагъ ссибивзун, Эдиклуха зайрду бичлай булукъайва: «Ина муххал ххуллий парча-парчарий ивуй! Ина авариялухъхъун ириевуй! Оьрус ящикраву ивхъун, нити- буттал ялун учІивуй!» Жагъ цинма цийва язугъ хъанай: Гъуя, бавай, на цибави?» - тІий, ялагу аьтий булукъайва. Яла-яла хъхъичІ авцІуна ия ппу, дакІ хъинсса, иминсса, чІу лахъ къабайсса.

Цинма диялсса аьтІавугу дурну, Роза хъхъудяривзун махъ шанувун лавгуна.

МакІгу дия ляличІисса...

...Хъунама уссу Баширдул буккан бувна ппалату ттукку. Ттукку, лякълуву хІукІу буну, хъунмасса лякълуцал кІуну ша ласлай, хІаллих най бия.

Ца аьжаивну илтІа, лахъи хъусса ппугу ия, кІечІираву авцІуну, лахъисса кІюй дусса муххал хъулагу канил бувгъуну: - ХІахІ уча да! – тІий, лахъсса чІуний Баширдуйн амру буллай.

Цукуньяв Роза чІиви ливчІуну бия. АцІния цара – ацІния кІира шинавусса душ.

- Бавай, га чун бувцун найссар?

- Пара къурув бичлан, ттул душ, - увкуна ниттил тетя Саидал чІуний. Роза, махІаттал хъуну, ганих бурувгсса, ниттин кІанттай хъулувух дарцІуну тетя Саида. Цакуну дакІнивун хІучІ багъуна. Душнил ганичІату лихъан хъит увкуна, амма жагъил хусса тетя Саидал, хъап куну, Розал кагу дургъуну:

-Шш...ш...ш..., - тІий, кІисса мурччай бивхъуна.

Цаппара хІаллава ппу къасса чарттал, ххялчІал даркъусса хаятравун увххуна, хъуллул мицІгу, пурш лавхъний кунма, ккуррки лавгсса ттуккул чулухун щилай:

-Ванин цивхьур да? Ванин цивхьур да?

Башир ссихІ дуклай акъая, ппу хьиннува ссибизлай ия. ХІукІу бавайсса ттуккул лякълувух хьула ливкІуну гьан бувуна. Хьит бувну гагу личин, цал ссукаІа гьазгу бувну, ттуккул бьних бивщун гьан бувуна:

- Ма вин! Ма вин!

«АьтІий бур,» - пикри хьуна душнин, цила иттатугу хьяр-хьяр мукьал нехру дарчуна. Ганин ччай бия вев чин, леххаву чин буттайн, амма тетя Саидал ка цІакьну дургьуну, чІу личлай бакъая къакьарттува.

ХІаятрал лагма бавцІуну, чІиртгал ялтту бакІру лахьи дуллай, ххарацулттавух буруглай бия циняв чІаххул жяматгу.

КІилчингу буттал, гава муххал хьула гьаз бувну, галайгу бувну, бусса гужрай, утти утту бивхьусса ттуккул лякълуйх бивщуну, мискин ттуккул гьажа кІибувцуну, гива ца чІивисса хІукІу бувккуну, хІаятравух ливхьуна.

- Явара! Явара! Бич бугьира! Къавкъин бугьира! Магълус явара! – ппу хьиннува гьалак хьуну, кІири ивчуну, хІукул хьирив хьуна. Утти ганал каниву хьуллун кІанттай, бургьил чаннай цІай-цІай тІий, уттасса, лахьисса харжан дия.

Роза, хьиннува чІиви ливчІуну, вав-шав тІий, тетя Саидал хьувун лякІуну бия.

- Розай! Розай! Розай! – чарив ца архсса кІанттава оьвтІий бавагу дия...

...Душ, щцах куну, чантІ увкуна. Яру тІивтІуну, тамаша буллай, буруглан бивкІуна. Кроватьрал чІарах бавцІуну бия Аминат. Чурхгу кІуну бия. Аминатлул оьрус мазрай тІутІимургу мукссава аьчну баллай бакъая:

- Роза, ты, наверное, видела страшный сон? Ты плакала, кричала, кого-то звала во сне? Вот к тебе письмо, кажется, из дому. На.

Чагъарданушалсса конвертгу столданий бивхъуну, ссургъири душ къатлува бувккуна, чансса магъатталгу хъуну, шаппату бувкIусса чагъарданин га ххари къавхъунтIий.

Роза хIаллицIух бивзуна. КуртIну ссихIгу бивгъуну къачча къаччайнма конверт ппив бувну, чагъар калан бивкIуна.

«Ххирасса Розай!

На райкомрал секретарьнащал ва онорал ихтилат бав.

Вин кIану хъунтIиссар жула шяравусса школданий...».

Душнил, хъит куну, чагъар тинмай бувна. Лажиндаравун оь бувкIуна. Анаварсса ва хъинну тIааьн бакъасса пикрирду шурун бивкIуна няраву. «Шаппай? ЦукунчIав! На лажин цитIий дугъави бутгайн? На лажин цукун дугъави уссийн? На лажин цитIий дугъави ниттийн? На шяравун цукун бачива? ОьрчIахь дарс цукун дишиви? Гъуя, бавай, гъуя! Нач! Халкъ хъяхъаву!»

ЦIуницIакулгу лахъну зайлай булувкъуна Эдиклуха.



Хосрех 31.03.1978 г.

Ахмедов Ильяс.

Все персонажи вымышлены.

Любые совпадения с реальными людьми случайны.